

GO BARUTIŠI LE DIHLOGO TŠA DIKOLO

Ke dipuku tša eng?

Puku ye ke kgoboketšo ya dikanegelo tše di lego maemong a maleba a bana ba gago. Dikanegelo tša mathomo di bonolo go bala go feta tša mafelelo. Di diriswa ka phapošing borutelo ka nako ya go bala ka tlhahlo ya barutwana ka bontši, ka bobedi goba ka botee le gore morutwana a ka ya le yona gae go dira boitlwaešo.

Go na le kgoboketšo ya dikanegelo mphato mongwe le mongwe go tloga Phato 1 go ya 3. Di maemong a lekanego bana ka bontši mphatong woo. Sekolong sa gago go ka no ba go na le dikanegelo tše dingwe tša go bala ka tlhohlo Mphatong wa motheo. Kgoboketšo ye e ka ba ya tlaleletšo. Le tšwele pele go reka dikanegelo tša tlaleletšo go ya ka tekanyetšo ya lena ya LTSM.

Dikanegelo tše di dirišwa bjang?

1. Go bala ka tlhahlo ka dihlopha: Mathomong a ngwaga morutiši o dira molekwana wa ka pejana wa go bala ka botee go ka beakanya bana ka dihlophana tša go maemo a go swana ka go bala.

Tšatši ka tšatši morutiši o tsea metsotso ye 30 go bala ka tlhahlo a diriša kgoboketšo ya dikanegelo le bana ba e ka ba go magareng a 6-8. A ka bala le bana gabedi ka beke. A thome ka kanegelo ya pele a dumelele bana go tšwela pele ka dihlophana dikanegelong tše di latelago. Ke maswanedi gore bana ba bale dikanegelo go ya ka maemo a bona a go bala. Ge bana ba hwetša bothata go bala kanegelo ye e itšego (mohlala kanegelo 17) ba ka bala ye bonolo (mohlala kanegelo 16 goba 15). Bana ba bale ka go šielana ba balela godimo, morutiši a theeleditše le go ba thuša mo ba hlokago thušo. Dihlophana tše dingwe go tlo ba bonolo mola tše dingwe di hwetša bothata. Tseo di sa hwetšego bothata di ka tšwela pele go bala dikanegelo tša maemo a go dingwana. Ge dihlophana di hwetša bothata ka kanegelo ya pele baka thoma ka kgoboketšo ya dikanegelo tša ngwaga wa go feta.

2. Go bala ka bobedi: Bana ba ka bala ka go šielana go balelana dikanegelo. Ba ka dira bjalo morutiši a le gare a thuša dihlophana tše nyenyane tše di dutšego fase phateng.

3. Go bala ka botee ka phapošing borutelo gaba ka gae: Bana baka balela teng. Bana baka dumelwelwa go ya le dipuku gae go direla gore ba kgone go itlwaeša go bala ka gae. Dumelela bana go ya le dipuku tša kanegelo gae gore batswadi ba kgone go ba thuša go bala. Mafelelelong a a kgoboketšo ya dikanegelo go na le mo batswadi ba ka hwetšago thušo ya gore baka diriša bjang puku ye.

A bana ba ya gae le puku?

Ee! Bana ba swanetše go ya gae le puku, fela ba swanetše go tla le yona sekolong tšatši ka tšatši gore bakgone go bala ka phasing borutelo.

Go diregang ge bana ba sa tle le puku sekolong?

Ruta bana gore puku e swarwa bjang, le gona o ba gopotše gore ba tle le yona sekolong tšatši ka tšatši. Ge ngwana a lebetše puku gae e re a badišane le yo mongwe.

Go diragalang ge bana ba feditše dikanegelo tša ngwaga?

Hlohleletša go bala kanegelo ka nngwe leboeletša go fihlela ba e ba le bokgone pele baka fetela kanegeno ye e latelago. Diriša maitemogelo a gago go bona gore bana ba ka fetela pukung ya mphato wo o latelago.

Diteng

Kgoboketšo ya dikanegelo • Mphato wa 2

Kanegelo-17	Thušang!	I
Kanegelo-18	Palesa o kae?	II
Kanegelo-19	Re a bapala	2I
Kanegelo-20	Aa, Morena Kgabo!	3I
Kanegelo-21	Leino	4I
Kanegelo-22	Segwere se segolo	5I
Kanegelo-23	Lebenkeleng la diaparo	60
Kanegelo-24	Moya le letšatši	70
Kanegelo-25	Bolokela bokamoso	80
Kanegelo-26	Ditumo tše tharo	90
Kanegelo-27	Sopo ya maswika	100
Kanegelo-28	Mmutla le khudu	110
Kanegelo-29	Tau le legotlo	120
Kanegelo-30	Re paka le koko	130
Kanegelo-31	Toropo ya gešu	140
Kanegelo-32	Afrika Borwa ya rena	150



Kgoboketšo ya Motheo wa fase
E gatišitšwe ka 2018 ke Molteno Institute for Language and Literacy
E lefeletšwe ke Zenex Foundation

Kgoboketšo ya dikanegelo: Mphato wa 2

- Morulaganyi wa molokoloko: [Jenny Katz](#)
- Bangwadi ba ditaodišo: [Mirna Lawrence le Jenny Katz](#)
- Ka morago ga go bala dipotšišo tša tekahlaloganyo le mešomo: [Jenny Katz](#)
- Barulaganyi ba polelo ya Sepedi: [Takalani T. Maligavhada le Thelma Dlamini](#)
- Baswantšhi: Thušang!, Moya le letšatši, Tau le legotlo - [Marleen Visser](#)
 - Palesa o kae?, Sopo ya maswika, Toropo ya gešu - [Shayle Bester](#)
 - Re a bapala, Segwere se segolo, Lebenkeleng la diaparo - [Sandy Lightley](#)
 - Aa, Morena Kgabo!, Ditumo tše tharo, Tau le legotlo - [Vusi Malindi](#)
 - Leino - [Rob Owen](#) • Bolokela bokamoso, Mmutla le khudu - [Sandy Campbell](#)
 - Re paka le koko - Diswantšho: [Umuzi Photo Club](#) (re lebeša ditebogo tše tseneletšego go ba ba latelago:
 - Evelyn Seipati Selema, Birdie Nkuwe Bambo le Kololo Phasha)
 - Afrika Borwa ya rena - Marleen Visser (matlakala xx no-xx); Diswantšho: [iCLIPART.com](#) (phenkwinil), Schalk Viljoen (*galejone*)

Kalo le moakanjetšo: [Resolution le Funda Wande](#)

© 2018 Molteno Institute for Language and Literacy
Website: www.vulabula.co.za




ISBN 978-1-77580-727-8



Creative Commons Attribution-
NonCommercial-NoDerivatives (CC
BY-NC-ND) 4.0 International Licence

Disclaimer: You are free to download and share this work as long as you attribute the Molteno Institute for Language and Literacy, but you may not change this work in any way or use it commercially.

Kanegelo-l7



Thušang!

KANEKOLO 17: Thušang!

Modumo: **hl**

Modumo: **ny**

Dinoko: **hlo**, **hla**, **hle**,
hli

Dinoko: **nya**, **nye**,
nyo

Mantšu a go tšwa
kanegelong a go ba le **hl**:

mohlare,
hlagelela, **hlokege**

Mantšu a mangwe a go ba
le **hl**

1. **hlapa**
2. **hlapi**
3. **hlogo**
4. **hlakana**
5. **sehlaga**
6. **hlohlora**

Mantšu a go tšwa
kanegelong a go ba le **ny**:

nonyana, **nyaka**,
nyamile

Mantšu a mangwe a go ba
le **ny**:


1. **nyane**
2. **nyama**
3. **nyala**
4. **lenyalo**
5. **senyane**
6. **nyanya**

Mantšu a go balwa ka go lemogwa (poeletšo):


yoo, **tla**

Lentšu la go balwa ka go lemogwa:

swere




Katse e bona nonyana godimo ga
mohlare. Katse e nyaka go ja
nonyana. Ya namela mohlare.



Thušang! Katse e gakanegile godimo
ga mohlare.


Mimi a hlagelela. O ya go thuša.
O namela mohlare.



Thušang! Katse le Mimi ba gakanegile
godimo ga mohlare.


Pakiso a hlagelela. O ya go thuša.

O namela mohlare.




Thušang! Katse, Mimi le Pakisi ba
gakanegile godimo ga mohlare.

Sesi Rina a hlagelela. O ya go thuša.
O namela mohlare.




Thušang! Katse, Mimi, Pakiso le sesi
Rina ba gakanegile godimo ga mohlare.
Malome Soli a hlagelela.
A goma. O ya kae?
Ba nyamile. Ba ka dira eng?



Malome Soli o tla a swere leri.

Mimi, Pakiso le sesi Rina ba thabile.
‘Malome Soli, re a leboga!

Yoo, bona katse! E fologile!’




'Wena katse, o re dirile eng?
Go be go sa hlokege gore re go thuše!
Re ka se sa leka go go thuša!'


Mošomo

Beakanya diswantšho go ya ka tatelano ya taodišo.


A



B




C




D


1




E



F



Palesa o kae?



KANEVELO 18: Palesa o kae?

Modumo: **kg**

Modumo: **tš**

Dinoko: **kga**, **kgi**, **kgo**,
kge

Dinoko: **tše**, **tša**, **tšu**,
tšo, **tši**

Mantšu a go tšwa
kanegelong a go ba le **kg**:

kgamelo, **kgolo**,
kgabiša, **kga**

Mantšu a mangwe a go ba
le **kg**:

1. **kgabo**
2. **kgati**
3. **kgogo**
4. **kgomo**
5. **kgarebe**
6. **kgopela**

Mantšu a go tšwa
kanegelong a go ba le **tš**:

letšatši, **botšiša**,
matšoba

Mantšu a mangwe a go ba
le **tš**:


1. **tšie**
2. **tšipa**
3. **pitša**
4. **botša**
5. **nošetša**
6. **tšokotša**

Mantšu a go balwa ka go lemogwa (poeletšo):


kae, **yoo**, **aa**

Mantšu a go balwa ka go lemogwa:

segwagwa, **nna**, **boima**




'Dumela, segwagwa. Ke nna Palesa.
Ke na le kgamelo e kgolo.
Ke latile meetse.
Bašomi ba letile meetse.
Ke kgabiša mobu go se nene.'



Bašomi ba lapile. Ba šoma kudu.
Lehono letšatši le a fiša.
Ba letile meetse.

‘Palesa o kae?’ ba botšiša.




'Dumela, leobu. Ke nna Palesa.
Ke na le kgamelo e kgolo.
Ke latile meetse.
Bašomi ba letile meetse.
Ke kga matšoba go se nene.'



Bašomi ba lapile. Ba šoma kudu.
Letšatši le fiša kudu.
Ba letile meetse.

‘Palesa o kae?’ ba botšiša.




'Dumela, kodutala. Ke nna Palesa.
Ke na le kgamelo e kgolo.
Ke latile meetse.
Bašomi ba letile meetse.
Ke sa goga moyo go se nene.'



Bašomi ba lapile. Ba šoma kudu.
Letšatši le fiša kudu-kudu.
Ba letile meetse.

‘Yoo! Ekaba Palesa o kae?’
ba botšiša.



Palesa šo. Le meetse šea.


Ge a bona bašomi a re, 'Yoo!
Meetse a boima. Ke šomile kudu.
Ke lapile kudu!'

AA! PALESA!

Mošomo

Ke lefoko lefe le nyalanago le seswantšho?

1.




- (A) Palesa o šoma kudu.
- (B) Palesa o kgabiša mobu.
- (C) Palesa o kga matšoba.

2.




- (A) Bašomi ba goga moya.
- (B) Bašomi ga ba leta meetse.
- (C) Bašomi ba šoma kudu.

3.



- (A) Meetse šea.
- (B) Palesa ga a lata meetse.
- (C) Palesa o boile ka pela.


4.



- (A) ‘Dumela, segwagwa.’
- (B) ‘Dumela, leobu.’
- (C) ‘Dumela, kodutala.’

Kanegelo-Iq

Re a bapala



KANEKOLO 19: Re a bapala

Modumo: **kh**

Modumo: **nn**

Dinoko: **kha**, **kho**, **ku**,
khe, **khi**

Dinoko: **n-na**, **n-no**,
n-ne

Mantšu a go tšwa
kanegelong a go ba le **kh**:

Kholofelo, **khuta**,
khutilego

Mantšu a mangwe a go ba
le **kg**:

1. **khudu**

2. **khuru**

3. **khubedu**

4. **khunama**

5. **sekhipa**

6. **khekhe**

Mantšu a go tšwa
kanegelong a go ba le **nn**:

nna

Mantšu a mangwe a go ba
le **nn**:

1. **nne**

2. **nnoši**

3. **nnang**

4. **ba nna**

5. **monna**


6. **nonne**

Mantšu a go balwa ka go lemogwa (poeletšo):


tlo, **mma**

Mantšu a go balwa ka go lemogwa:

etla, **nkhumana**



Kholofelo a re, ‘A re bapale.
Re bapala papadi e bose.
Ge ke bala lena le ye go khuta.’



‘Ke a bala. Eyang go khuta! Nna ke tlo le nyaka,’ go bolela Kholofelo.


Tebogo, mošimane yo monyenyané,
o bapala le bona. Fela ga ba bone.



'Ke etla, ke etla ...

Ke bone mo o khutilego gona.


Ke go humane, Sam! Esla, a re ye,
go bolela Kholofelo.




'Ke etla, ke etla ...

Ke bone mo o khutilego gona.

Ke go humane, Jen! Etla, a re yeng,'
go bolela Kholofelo.




'Ke etla, ke etla ...
Ke bone mo o khutilego gona.
Ke go humane, Meg!
Lena ba bararo, ke le humane.
Go bile bose,' go bolela Kholofelo.



Ke nako ya dijo tša mosegaré.

Kholofelo a re, ‘Ke bile le papadi
ye bose. Ke mofenyi. Ke le humane
ka moka!’

Mma a re, ‘Tebogo o kae?’



'Ga se wa re humana ka moka.
Nna ga se wa nkhumana!' go bolela
Tebogo, a le ka fase ga tafola!

Mošomo

Go be go khutile mang lifelong lengwe le lengwe?



Sam



Jen



Meg




Tebogo

1. _____ o khutile
moraleng.



2. _____ o khutile
phapošing ya bojelo.



3. _____ o khutile
phapošing ya borobalelo.



4. _____ o khutile
phapošing ya boiketlo.



Kanegelo-20

Aa, Morena Kgabo !



KANEKOLO 20: Aa, Morena Kgabo!

Modumo: **tl**

Modumo: **kg** (poeletšo)

Dinoko: **tlo**, **tla**, **tle**,
tli

Dinoko: **kgo**, **kgā**,
kgi, **kge**

Mantšu a go tšwa
kanegelong a go ba le **tl**:

tla, **tlala**

Mantšu a mangwe a go ba
le **tl**:

1. **tlou**
2. **tladi**
3. **tlema**
4. **diatla**
5. **legotlo**
6. **senotlelo**

Mantšu a go tšwa
kanegelong a go ba le **kg**:


Kgabo, **Kgadi**,
kgopela, **kgale**

Mantšu a mangwe a go ba
le **kg**:

1. **kgama**
2. **kgopa**
3. **kgoro**
4. **kgetha**
5. **kgošigadi**
6. **kgomarela**

Lentšu la go balwa ka go lemogwa (poeletšo):


borotho




Morena Kgabo o etela Kgadi Kgabo.
Kgadi Kgabo o pakile borotho.
O bo bea godimo ga lefasetere gore
bo fole. A bea le kase.

Morena Kgabo o
tla le maloba.
O bolawa ke tlala.

'Dumela, Kgadi.
Re ka ja?' o a
kgopela.



Kgadi Kgabo
o sa itokiša.



Morena Kgabo ke kgale a letile.
O dupelela borotho. O dupelela
kase. Ga go selo ka maleng.
A di tšeа a ja!



Kgadi Kgabo o sa itokiša.
O rata go bonagala a le botse.
O itebelela ka seiponeng.

'Re ka ja?' ke Morena Kgabo.
Kgadi Kgabo o sa itokiša.



Mala a Morena Kgabo a sa galala dijo.
O ja borotho le kase gape!



Kgadi Kgabo o sa itokiša ...
Morena Kgabo o sa ja ...

Kgadi Kgabo o lokile.

‘Tsena re je,’ o amogela Morena Kgabo.

‘Ke je gape? Ga ke sa ja!’ go bolela Morena Kgabo.

Aa! O jele dijo ka moka!




‘Maitapišo a ka,’ Kgadi Kgabo o bolela a tenegile.


‘Ke go memile la mafelelo!’

Mošomo

Lefoko le bolela ka mang – Morena Kgabo goba Kgadi Kgabo?




Kgadi Kgabo



Morena Kgabo

1. O tla le maloba. _____
2. O pakile borotho. _____
3. O sa itokiša. _____
4. O letile nako ye telele. _____
5. O jele dijo ka moka! _____
6. O tenegile. _____

Leino



KANEKOLO 21: Leino

Modumo: **ph**

Modumo: **ts** (poeletšo)

Dinoko: **pho**, **phu**, **phe**,
pha, **phi**

Dinoko: **tsi**, **tsa**, **tse**,
tsu, **tso**

Mantšu a go tšwa kanegelong
a go ba le **ph**:

diphoofolo

Mantšu a mangwe a go ba
le **ph**:

1. **phefo**
2. **pheta**
3. **phiri**
4. **phala**
5. **phošo**
6. **phopho**

Mantšu a go tšwa kanegelong
a go ba le **ts**:

tsena

Mantšu a mangwe a go ba
le **ts**:

1. **tsela**
2. **tsoma**
3. **katse**
4. **pitsi**
5. **letsogo**
6. **letsopa**

Lentšu la go balwa ka go lemogwa (poeletšo):


yeo

Lentšu la go balwa ka go lemogwa:

mankgagane




Tumelo o bona leino. A le topa.
‘E ka ba ke leino la mang le?’
O nagana go ka humana karabo.



Tumelo o lebelela gare ga puku ya
diphoofolo.

O bona nogá. O lekola meno a yona.
Meno a nogá a fapane le le.
Leino le ga se la nogá.

Ditau




Tumelo o bona tau.
O lekola meno a yona.
Meno a tau a fapane le le.
Leino le ga se la tau.



Tumelo o bona legotlo.
O lekola meno a lona.
Meno a legotlo a fapane le le.
Leino le ga se la legotlo.



Tumelo o bona mankgagane.
O lekola meno a wona.
Meno a mankgagane a fapane le le.
Leino le ga se la mankgagane.



Tumelo o bona nose.
O lekola meno a yona.
Nose ga e na meno!
E na le leleme fela.
Leino le ga se la nose.



Ka nako yeo ke ge Lebo a tsena.
A re, ‘Dumela, Tumelo. Ga re ye
go bapala! ’

Tumelo o lekola meno a Lebo.
O humane karabo!

Mošomo

Nyalanya mantšu le seswantšho ka nepagalo.

1. leleme la nose



2. meno a tau



3. meno a mankgagane




4. meno a nogā



5. meno a Lebo



6. meno a legotlo



Kanegelo-22

Segwere se segolo



KANEKOLO 22: Segwere se segolo

Modumo: **gw**

Modumo: **sw**

Dinoko: **gwa**, **gwe**

Dinoko: **swi**, **swe**, **swa**

Mantšu a go tšwa kanegelong
a go ba le **gw**:

segwere, **digwere**,
mmagwe

Mantšu a mangwe a go ba
le **gw**:

1. **gweba**
2. **gagwe**
3. **mogwapa**
4. **mogwera**
5. **legogwa**
6. **segwagwa**

Mantšu a go tšwa kanegelong
a go ba le **sw**:

swara, **swarelela**,
swanelia

Mantšu a mangwe a go ba
le **sw**:


1. **swaba**
2. **swikiri**
3. **maswi**
4. **seswai**
5. **leswielo**
6. **leswiswi**

Lentšu la go balwa ka go lemogwa (poeletšo):

aowa

Lentšu la go balwa ka go lemogwa:

morwa



Molemi Maleka o be a lemile merogo.
Merogo e lokile. Ka masa a ya go buna.
A buna ditamati ka moka. A buna
dilethase ka moka. A buna ditapola ka
moka. A buna le digwere ka moka.
Aowa, e sego ka moka ...





Segwere sa mafelelo sa šalela ka mobung. Molemi Maleka a goga segwere. A se goga, a se goga. A se goga gape! Sa ganelela ka mobung. ‘Yoo! Segwere se ke se segolo kudu,’ o a nagana.

Molemi Maleka
a re mosadi a
tle go mo
thuša. Mosadi
a mo swara ka
dinoka. Ba se
goga. Fela
segwere sa
ganelela ka
mobung.



Ba re morwa
a tle go ba
thuša. Morwa
a swarelela
mmagwe. Ba
se goga. Fela
segwere sa
ganelela ka
mobung.

Ba re kolobe e
tle go ba thuša.
Kolobe ya
swarelela
morwa. Ba se
goga. Fela
segwere sa
ganelela ka
mobung.



Ba re katse
e tle go ba
thuša. Katse
ya swarelela
kolobe. Ba se
goga. Fela
segwere sa
ganelela ka
mobung.

'Ke sebaka re goga. Segwere se ke se
segolo kudu!' ba bolela ba belaela.

Ke ge katse e re legotlo le tle go ba
thuša. Legotlo la tla ka makoko.
La swarelela katse.



Ka moka ga bona ba goga segwere.
Ba se goga, ba se goga,
ba se go-o-o-o-ga, ke ge ...



Segwere se TUMOGA!

Legotlo la ipetha sehuba la re,
‘Ge le nyaka thušo gape le tla
swanela go bolela le nna!’

Mošomo

Diriša mantšu a ka mapokising go tlatša dikgoba mafokong.

A



Morwa

B



Mosadi

C



Molemi Maleka

D




Katse

E



Legotlo

F



Kolobe

G



Segwere

1. _____ a buna merogo.

2. _____ sa ganelela ka mobung.

3. _____ ya swarelela kolobe.

4. _____ a swarelela molemi.


5. _____ ya swarelela morwa.

6. _____ a swarelela mmagwe.

7. _____ la ipetha sehuba.

Kanegelo-23

Lebenkeleng la diaparo



KANEKOLO 23: Lebenkeleng la diaparo

Modumo: **mm**

Modumo: **nk**

Dinoko: **m-ma, m-me,**
m-mu, m-mi, m-mo

Dinoko: **nko, nki, nka,**
nke, nku

Mantšu a go tšwa kanegelong
a go ba le **mm**:

mma, mmala, mmini,
mmalo

Mantšu a mangwe a go ba
le **mm**:

1. **mmoto**
2. **mmele**
3. **mmogo**
4. **mmila**
5. **mmušo**
6. **mmutla**

Mantšu a go tšwa kanegelong
a go ba le **nk**:

lebenkeleng, nko,
dipinki

Mantšu a mangwe a go ba
le **nk**:

1. **nk**u
2. **nkuka**
3. **nkabe**
4. **nkadima**
5. **nkabela**
6. **tonki**


Lentšu la go balwa ka go lemogwa:

gempe

Ke mafelelo a beke. Lehono ba lapa ba reka diaparo lebenkeleng la diaparo.



Mma o hloka dieta. O leka mebala ya go fapano. O rata tša mmala wa gauta. O ema pele ga seipone. O a dikologa. O ipona e le mmini!



Tate o hloka digalase tša letšatši. Tša gagwe tša kgale di thubegile. O leka mehuta ya go fapano. O ema pele ga seipone. Ke tše botse! A ipona e le seopedi sa go tuma!



Koko o hloka mongatse wa go apara ge
a ya kerekeng. O rata wa mmala wa
namune wa go ba le lefofa. A ema pele
ga seipone. A ipona e le kgošigadi!



Rakgolo o hloka sekhafo sa marega.
O rata sa ulu, sa methaladi. Se tlo
mo ruthufatša ka sehla sa marega.
A se apara a ema pele ga seipone.
A ipona e le monna wa maemo!



Kgaetšedi o hloka masokisi. O rata tša
mebalabala tša go sepelelana le
mebala ya diaparo tša gagwe kamoka.
A ema pele ga seipone. A ipona e le
seopedi sa go tuma!



Buti o hloka gempe. O leka tša mebala ya go fapano. O rata ya botalamorogo ya go ba le dikonopi. A ema pele ga seipone. A emiša nko. A ipona e le lesogana la maemo!



Lapa ka moka le reka diaparo.

‘Mmalo! Ke Dineo fela yo a sa
humanago selo,’ go bolela mma.


Ke ge Dineo a re, ‘Aowa, bonang!
Le nna ke reka diaparo – tše dipinki!’

Mošomo

Motho ka o tee o be a leka eng ka lebenkeleng?
Tlatša dikgoba mafokong.



sekhafo



gempe




masokisi



dieta



diaparo tše pinki



mongatse



digalase

1. Mma o leka _____ ka lebenkeleng.
2. Tate o leka _____ ka lebenkeleng.
3. Koko o leka _____ ka lebenkeleng.
4. Rakgolo o leka _____ ka lebenkeleng.
5. Kgaetšedi o leka _____ ka lebenkeleng.
6. Buti o leka _____ ka lebenkeleng.
7. Dineo o leka _____ ka lebenkeleng.

Kanegelo-24

Moya le letšatši



KANEKOLO 24: Moya le letšatši

Modumo: **||**

Modumo: **ii**

Dinoko: **I-||i, I-||o, I-||a,**
I-||e

Mantšu a go tšwa
kanegelong a go ba le **||:**
mollo, konopolla,
bofolla

Mantšu a mangwe a go ba
le **||:**

1. **||a**
2. **||ere**
3. **sellو**
4. **hunolla**
5. **fegolla**
6. **kopolla**

Mantšu a go tšwa
kanegelong a go ba le **ii:**
tiiša

Mantšu a mangwe a go ba
le **ii:**

1. **tiile**
2. **diiiri**
3. **šiiša**
4. **šiile**
5. **tiišetša**
6. **modiidi**

Mantšu a go balwa ka go lemogwa:

maatla, hlompha




Moya le letšatši di be di ngangišana.

'Ke na le maatla go feta wena. Ke wiša mehlare,' moyo o bolela ka go ikgogomoša.'

'Ke go feta ka maatla,' go fetola letšatši.
'Nka fiša lešoka le ka moka.'

'Nka fokela mollo mo ke ratago, wa fiša naga ye ka moka,' go bolela moyo.



Ba le gare ba ngangišana, lesogana la feta le apere baki.

‘A re emiše go ngangišana re dire teko,’ go bolela moyo. ‘Yo a ka dirago gore lesogana lela le hlobole baki ke yena mofenyi.’

‘Go lokile,’ go bolela letšatši. ‘Ga e be wena wa pele.’



Moya wa go tonya wa foka ka lebelo.
Wa dira gore lesogana le roromele.

Moya wa foka kudu. Mongatse ya
lesogana ya fofela godimo. Lesogana la
konopela dikonopi gore baki e se fofe.

Moya wa foka kudukudu. Lesogana la
tiiša baki gore e se fofe.



Moya wa lapa.

‘Wena bona ka mo o ka dirago ka gona,’
moya o botša letšatši.



Letšatši la ruthela. Mororomelo wa
lesogana wa ema.

Letšatši la fiša. Lesogana la konopolla
baki, la bofolla thai.

Letšatši la fiša kudu. Go se go ye kae
lesogana la hlobola baki.



Lesogana la iša pele le leeto go
fihlela le dikela.



Moya wa lebelela letšatši wa re,
‘O nepile, o na le maatla go feta nna.
O mofenyi.’

Letšatši la fetola la re, ‘Ke a leboga,
Moya. Le wena o na le maatla a
magolo. Ke tlo go hlompha ka mehla.’

Mošomo

Bapetša seswantšho 1 le seswantšho 2. Phapano ke efe?

1



2



Kanegelo-25

Bolokela bokamoso



KANEVELO 25: Bolokela bokamoso

Modumo: **tš**

Modumo: **ph** (poeletšo)

Dinoko: **tšo**, **tši**,
tša, **tšu**, **tše**

Dinoko: **phe**, **pho**,
pha, **phu**, **phi**

Mantšu a go tšwa
kanegelong a go ba le **tš:**

tšošane

Mantšu a mangwe a go ba
le **tš:**

1. **tšaba**
2. **tšela**
3. **tšelete**
4. **tšukudu**
5. **tšiwana**
6. **ditšila**

Mantšu a go tšwa
kanegelong a go ba le **ph:**

phošo

Mantšu a mangwe a go ba
le **ph:**

1. **phuti**
2. **Phato**
3. **phutha**
4. **phooftolo**
5. **bophelo**
6. **phuphura**

Mantšu a go balwa ka go lemogwa:

dikenywa, dikhunkhwane



Fase ga thaba go be go dula nonyana,
serunya, segokgo, tšhošane le tšie.

Ka sehla sa selemo tšhošane e šomile
kudu go kgoboketša dijo tša marea.

Tšie yona e be e dulela go bapala, go
opela ebile e bina.



Nonyana ya bona tšošane e šoma.

‘O dira eng?’ nonyana e a botšiša.

‘Ke kgoboketša mabele a go ja marega,’
go araba tšošane.

Nonyana le yona ya nagana go
kgoboketša dipeu le dikenya.





Serunya sa bona tšošane e šoma.
‘O dira eng?’ serunya se a botšiša.

‘Ke kgoboketša mabele a go ja marega,’
go araba tšošane.

Serunya le sona sa nagana go
kgoboketša diboko.






Segokgo sa bona tšošane e šoma.

‘O dira eng?’ segokgo se a botšiša.

‘Ke kgoboketša mabele a go ja marega,’
go araba tšošane.

Segokgo le sona sa nagana go
kgoboketša dikhunkhwane.



Tšie ya bona
tšhošane e šoma.
'O dira eng?' tšie
e a botšiša.

'Ke kgoboketša
mabele a go ja
marega,' go
araba tšhošane.



Tšie ya bona e se
kgopolو ye botse.

Ya re go tšhošane,
'Ke mošomo wa go
tena. Ke lebaka
mang la gore o
šome e le gore o
ka diriša nako ye
go bapala, go
opela le go bina?'



Marega a fihla. A tonya. Dimela tša oma.

Nonyana, serunya, segokgo le tšošane
di thabile. Di na le dijo tšeо di di
kgobokeditšego.

Tšie ga e na dijo. Ya bolawa ke tlala.



Tšie ya kgopela dijo go tšošane.

‘Ge re kgoboketša dijo, wena o be o bapala, o opela ebile o bina,’ tšošane ya gopotša tšie.

‘Ke dirile phošo. Ke tlo ikgobokeletša dijo tša marega,’ go bolela tšie.

Tšošane ya bona gore tšie e humane thuto, ya abelana dijo le yona.

Mošomo

Ke tsela efe ye sengwe le sengwe sa dibopiwa se itokišeditšego marega ka yona? Nyalanya seswantšho le lefoko ka nepagalo.

1.



tšošane

2.



nonyana

3.



serunya

4.



segokgo

5.



tšie

A se kgobokeditše
dikhunkhwane

B se kgobokeditše
diboko

C ga se ya
kgoboketša selo

D e kgobokeditše
mabele

E e kgobokeditše
dipeu le
dikenywa

Ditumo tše tharo



KANEGELO 26: Ditumo tše tharo

Modumo: **ntš**

Modumo: **ntl**

Dinoko: **ntši, ntše,
ntša, ntšu, ntšo**

Dinoko: **ntlo, ntla,
ntle, ntli**

Mantšu a go tšwa
kanegelong a go ba le **ntš**:

**mantšiboa, sentše,
ntše**

Mantšu a mangwe a go ba
le **ntš**:

1. **ntši**
2. **ntšeela**
3. **lentšu**
4. **mantšu**
5. **gantši**
6. **pukuntšu**

Mantšu a go tšwa
kanegelong a go ba le **ntl**:


ntlogela

Mantšu a mangwe a go ba
le **ntl**:

1. **ntlo**
2. **ntlabo**
3. **ntlema**
4. **ntlaiša**
5. **ntlimarela**
6. **dintlo**

Lentšu la go balwa ka go lemogwa (poeletšo):

gae



Kgale moremi wa mehlare o bone mohlare
wo mo botse wa go makatša lešokeng.

Ge a emiša selepe gore a o reme, mohlare
wa re, ‘Ema! Ke mohlare wa maleatlala!
Ge o ka ntlogela ke tlo go fa dilo tše
tharo tše o di dumago.’

Moremi a makala fela a dumela.



Ge moremi a fihla gae, a botša mosadi wa gagwe ka mohlare wa maleatlala.

‘Dilo tše tharo tše o di dumago,’ mosadi a thabela ditaba tšeо. ‘Re ka duma eng? A re gopodišiše taba ye. Re iphe nako ya go nagana.’



Moremi le mosadi ba dula fase go ja dijo tša mantšiboa.

Moremi a re, ‘Mmm, dijo tše bose. Ke duma e ke go ka ba le boroso ye bose ...’

Go se go ye kae, boroso ye kgolo ye botse ya wela godimo ga tafola.



‘O sentše tumo e tee! Setlatla se!’
mosadi o bolela ka kgalefo.

‘O se bolele le nna ka tsela yeo,’ go
fetola moremi. ‘E ke boroso ye e ka
kgomarela sefahlego sa gago!’

Go se go ye kae, boroso ya kgomarela
sefahlegong sa mosadi.



'Bona! Tloša boroso ye sefahlegong
sa ka!' mosadi o bolela a lla.

Ba e goga, ba e goga, ba e goga gape ...
fela boroso ya ganelela.


'Tumo ya bobedi le yona e ile. Ke tlo dira
eng?' o bolela dikeledi di falala.



Ge mosadi a ntše a lla, moremi a nagana
selo se tee fela se a ka se dirago.

'Ke duma e ke boroso ye e ka boela
tafoleng,' a bolela.


Go se go ye kae, boroso ya boela tafoleng.



Moremi wa mehlare le mosadi ba ja
dijo tša mantšiboa tše bose, e lego
borotho le boroso.

Mošomo


Ke mang yo a bolelago mantšu a – moremi goba mosadi wa gagwe?



1. 'Re iphe nako ya go nagana.' _____
2. 'Ke duma e ke go ka ba le boroso ye bose.' _____
3. 'O sentše tumo e tee. Setlatla se!' _____
4. 'E ke boroso ye e ka kgomarela sefahlegong sa gago!' _____
5. 'Tloša boroso ye sefahlegong ya ka!' _____
6. 'Ke duma e ke boroso ye e ka boela tafoleng.' _____

Kanegelo-27

Sopo ya maswika



KANEKOLO 27: Sopo ya maswika

Modumo: **ngw**

Modumo: **tsw**

Dinoko: **ngwe, ngwa**

Dinoko: **tswa, tswi,
tswe**

Mantšu a go tšwa
kanegelong a go ba le **ngw**:

**lengwe, mongwe,
sengwe, dingwe**

Mantšu a mangwe a go ba
le **ngw**:


1. **ngwana**
2. **ngwala**
3. **ngwaga**
4. **ngwedi**
5. **lengwalo**
6. **rangwane**

Mantšu a go tšwa
kanegelong a go ba le **tsw**:


letswai

Mantšu a mangwe a go ba
le **tsw**:


1. **tswina**
2. **tswaka**
3. **tswalela**
4. **latswa**
5. **letswele**
6. **batswadi**



Ka lengwe la matšatši mosepedi yo a bego a na le tlala o fihlile motseng wo mongwe. A kgopela dijo. Go be go se na yo a bego a na le dijo tše lekanego go ka abelana le yena.



Mosepedi a humana pitša. A gotša
mollo a bea pitša mollong. A tšhela
meetse ka pitšeng. A bona maswika
a magolo a boreledi, a tsenya ka
pitšeng. A emela meetse gore a bele.




Mosadi a batamela go bona se
mosepedi a se apeago.

‘Ke apea sopo ya maswika. E ke go ka
ba le se sengwe se se ka dirago gore
sopo ye e be le tatso,’ mosepedi a realo.

‘Ke na le digwere,’ go bolela mosadi.


Mosepedi a di tsenya ka pitšeng.



Mosadimogolo a batamela go bona se mosepedi a se apeago.

‘Ke apea sopo ya maswika. E ke go ka ba le se sengwe se se ka dirago gore sopo ye e be le tatso,’ mosepedi a realo.

‘Ke na le dieiye,’ go bolela mosadimogolo. Mosepedi a di tsenya ka pitšeng.




Mosetsana a batamela go bona se
mosepedi a se apeago.

'Ke apea sopo ya maswika. E ke go ka
ba le se sengwe se se ka dirago gore
sopo ye e be le tatso,' mosepedi a realo.

'Ke na le ditapola,' go bolela mosetsana.


Mosepedi a di tsenua ka pitšena.



Modiši a batamela go bona se mosepedi a se apeago.

‘Ke apea sopo ya maswika. E ke go ka ba le se sengwe se se ka dirago gore sopo ye e be le tatso,’ mosepedi a realo.

‘Ke na le nama le letswai,’ go bolela modiši. Ba di tsenya ka pitšeng.



'Sopo ya ka ya maswika e lokile,' go bolela mosepedi. A fa badudi ka moka sopo.

Mmmm... Ke sopo ye bose ya go feta disopo tše dingwe tše ba kilego ba di ja.

Ke mang yo a bego a nagana gore go ka ba le sopo ye bose ya maswika!

Mošomo

Ke didirišwa dife tše dirišitšwego go dira sopo ya maswika?
Ngwala lenaneo la tšona.

1



pherefere

2



letswai

3




nama

4



dieiye

5



lee

6



dinawa

7




lebese

8




digwere

9



ditamati

10



ditapola

11



pathanathe

12



meetse

Kanegelo-28

Mmutla le khudu



KANEKOLO 28: Mmutla le khudu

Modumo: **kw**

Modumo: **tlw**

Dinoko: **kwi**, **kwa**, **kwē**

Dinoko: **tlwe**, **tlwa**

Mantšu a go tšwa kanegelong
a go ba le **kw**:

kwera, **nakwana**,
kwele, **malokwane**

Mantšu a mangwe a go ba
le **kw**:


1. **kwena**
2. **kwana**
3. **kwagala**
4. **kwešiša**
5. **kwametša**
6. **sekwere**

Mantšu a go tšwa kanegelong
a go ba le **tlw**:

thutlwā


Mantšu a mangwe a go ba
le **tlw**:

1. **tlwaela**
2. **otlwā**
3. **setlwāedi**
4. **moretlwā**
5. **mootlwā**
6. **legotlwāna**



Go be go na le mmutla wa makoko. O ikgogomoša o re wona o na le lebelo le legolo. O be o o fela o kwera diphoofolo tše dingwe.

O fela o re, ‘Wena kubu, wena thutlwa le wena tlou, le na le mebele e megolo, ebole e ya le imela. Wena khudu, o sepela ka go nanya, o pepile ntlo.’



Morago ga matšatši a se kae, khudu ya bolela ka bogale ya re, ‘Mmutla, tlogela makoko. Le wena ba ka go šia.’

Mmutla wa sega wa re, ‘O reng? Ke go kwele gabotse? Go lokile, ga re bone gore wa lebelo ke ofe gare ga ka le wena.’



Ka le le latelago, mmutla le khudu ba
itokišetša phadišano. Mmutla o be o
iketlile, o tseba gore o tlo fenza.

Diphoofofolo ka moka tša tla go bogela.
Tlou ya ba malokwane wa lebelo,
'Tee-pedi-tharo, ga e ye!'




Mmutla wa kitima ka lebelo le legolo.
Ge o lebelela ka morago wa se bone
khudu. Wa sepela ka go iketla.

Go se go ye kae pula ya na. Mmutla
ga o rate pula. O be o šetše o ipona e
le mofenyi. Wa itirela bolao wa robala.

Khudu ga se ya ema le ge pula e na.
Ya feta mmutla o sa ile ka boroko.



Ka morago ga nakwana pula ya
emiša. Mmutla wa tsoga, wa gadima
ka mo le ka mo la. Khudu ya se
bonagale. Wa kitima ka lebelo gore o
be mofenyi wa lebelo.



Ge mmutla o fihla ka khutlo ya
mafelelo wa se dumele se o se
bonego. Khudu e pele!

Mmutla wa kitima ka lebelo le legolo ...
Go padile. Khudu ke mofenyi wa
phadišano!



Diphoofolo ka moka tša sega mmutla.
Mmutla wa lewa ke dihlong.


Khudu ya re, ‘O na le lebelo go feta
rena, mmutla. Fela o se be le makoko
ka lona.’

Mmutla o ithutile. Wa tlogela go kwera
diphoofolo tše dingwe. Makoko a fela.


Mošomo

Beakanya diswantšho go ya ka tatelano ya taodišo.


A




B




C
1




D



E



F



Kanegelo-2q

Tau le legotlo



KANEGELO 29: Tau le legotlo

Modumo: **bj**

Modumo: **lw**

Dinoko: **bja**, **bje**, **bjo**

Dinoko: **lwa**, **lwe**

Mantšu a go tšwa
kanegelong a go ba le **bj**:

bjalo, **bja**, **bjona**

Mantšu a mangwe a go ba
le **bj**:

1. **bjala**

2. **bjale**

3. **bjang**

4. **bjoko**

5. **sebjana**

6. **dibjana**

Mantšu a go tšwa
kanegelong a go ba le **lw**:

palelwa

Mantšu a mangwe a go ba
le **lw**:

1. **lwa**

2. **lwela**

3. **lwalago**

4. **latelwa**

5. **serolwana**

6. **dinamelwa**

Lentšu la go balwa ka go lemogwa (poeletšo):

naa

Lentšu la go balwa ka go lemogwa:

tshwarelo



Ka tšatši le lengwe morutišigadi Molefe o humane Sello a lla. A mmotšiša gore o llelang.


Sello a re, ‘Thabo le Thabiso ba segišana ka nna. Ba re ke legotlo le lenyenyane. Go bohloko gobane ga ke yo mogolo le gona ke hloka maatla.’

Morutišigadi Molefe o hloka leano la go dira gore bana ba bagolo ba se segišane ka bana ba banyenyane.



Ka le le latelago a dudiša bana kamoka ga bona fase, a ba balela taodišo.

Tau le legotlo



Tau e be e robetše ge legotlo le fetafeta ka lebelo sefahlegong sa yona. Ya tsoga, ya le swara.

‘Se ntše hle!’ go kgopela legotlo. ‘Ge o ka ntlogela ka tšatši le lengwe ke tlo go direla se sengwe.’

Tau ya sega. ‘Wena, wa direla nna se sengwe! O yo monyenyanne kudu! Ke go tlogela fela gobane o dira gore ke sege.’

Tau ya tlogela legotlo gore le sepele.




Matšatši a se makae, molaba wa barei
o tantše tau. Ya leka go itokolla, ya
palelwa. Molaba o be o tiile kudu.
Meno le bogolo le maatla tša yona
tša se thuše selo. Ya rora ka modumo
wo mogolo.



Modumo wa tau wa fihla ditsebeng tša legotlo. La ya go hlola gore go direga eng.

Ge le bona tau, la thoma go kokona dithapo tša molaba ka meno a lona a bogale. La dira bjalo go fihlela le dira lešoba le legolo la go lekana gore tau e kgone go tšhaba.



Tau ya lebelela legotlo e inamišitše hlogo. 'Ke lebogile wena, legotlo la go loka. Ke segile bonyenyane bja gago ka phošo. Ge e le bophelo bja ka bjona o bo phološitše.'

Ge morutišigadi Molefe a feditše go ba balela taodišo, a hlaloša molaetša wa yona – se nyatše bonyenyane bja motho.



Thabo le Thabiso ba kgopela Sello tshwarelo. Ba ana gore ba ka se sa segiša ka bana ba bangwe gape.

Mošomo

Ke lefoko lefe le nyalanago le seswantšho ka nepagalo?

1.



- A. Tau ya swara legotlo.
- B. Legotlo la swara tau.
- C. Tau ya ja legotlo.

2.



- A. Tau ya lokologa.
- B. Tau e be e thabile.
- C. Tau e be e swaregile.

3.



- A. Legotlo ga le a thuša tau.
- B. Legotlo le thušitše tau.
- C. Tau e thušitše legotlo.

4.



- A. Tau ya sega legotlo.
- B. Legotlo le be le tšaba tau.
- C. Tau ya leboga legotlo.

Re paka le koko



KANEKOLO 30: Re paka le koko

Modumo: **šw**

Modumo: **hlw**

Dinoko: **šwa**, **šwe**

Dinoko: **hlwe**, **hlwa**

Mantšu a go tšwa kanegelong
a go ba le **šw**:

dirišwa, **didirišwa**,
hlapišwa

Mantšu a mangwe a go ba
le **šw**:

1. **šweu**
2. **bešwa**
3. **segišwa**
4. **sedirišwa**
5. **tsošwa**
6. **thabišwa**

Mantšu a go tšwa kanegelong
a go ba le **hlw**:

hlwekiša

Mantšu a mangwe a go ba
le **hlw**:

1. **hlware**
2. **hlwaya**
3. **hlwekile**
4. **lehlwa**
5. **mohlwekiši**
6. **lefehlwana**

Mantšu a go balwa ka go lemogwa:

onto, **vanilaesense**, **nkga**

Nna, koko le mogwera wa ka Kolo re paka dikuku. Etla o bone!

Koko o tšhuma onto ya setofo. Re hlapa diatla ke sesepe. Ke nako ya go paka!



Koko o re ruta go ela folouro ka go diriša komiki. O tšhela puere ya go paka le **letswai**. O re laetša tsela ya go sefela metswako ka sebjaneng.



Koko o thubela **mae** a mabedi ka sebjaneng. Kolo o tšhela komiki ya **swikiri**. Ka tšhela **lebese** le **oli**. Koko a feleletša ka go tšhela lelepolana la **vanilaesense**. Mmmm, di nkga bose!



Go dirišwa lefehlo la motlakase go tswaka metswako ya gagwe ga botse.

Ge Koko a le gare a tswaka motswako, nna le Kolo re tlotša dipane ka botoro.

Koko a tswaka go fihlela motswako o eba boreledi, bonolo le bobebe.

Motswako o lokile.



Koko o re ruta go tlatša dipane ka motswako wa go lekanelo. Nna le Kolo re leka ka maatla go ekiša ka mo koko a dirago ka gona. Koko o re re se tlatše dipane go fetišiša ka ge dikuku di hloka sekgoba sa go kokomoga.



Koko o bea dipane ka ontong.
A re lebelela ge re latswa malepola.
Ra re, 'Koko, re go hlwekišetša
didirišwa tše!'

Koko a sega. 'Difahlego tša lena le
tšona di nyaka go hlapišwa!'

Ra thuša koko go hlwekiša.



Tšhipi ya setofo ya lla. Dikuku di lokile!
Koko a tloša dipane. A di bea godimo
ga setofo gore dikuku di fole.

Ka tswaka swikiri ya aesing le meetse
go ya ka moelo wo koko a o dirilego.
Kolo a lata dikgabiši.



Ke nako ya go kgabiša dikuku.
Re gašanya swikiri ya aesing godimo
ga dikuku. Ra tlaleletša ka malekere.
Malekere a dira gore dikuku di bogege
le gore di be bose.
Re tlo di ja gosasa ka letšatši la
matswalo a koko!

Mošomo

Bala resipi ya go dira dikuku.

Resipi ya dikuku

Ditswaki (di dira dikuku tše 24)

- 2 komiki folouru
- 2 malepolana a puere ya go paka
- $\frac{1}{2}$ lepolana la tige la letswhai
- 2 mae
- 1 komiki ya swikiri
- $\frac{1}{2}$ komiki ya lebese
- $\frac{1}{2}$ komiki ya makhura
- 1 lepolana la tige la vanilaesense



Tselo ya go paka dikuku

1. Sefa motswako wa folouru, puere ya go paka le letswhai.
2. Hudua mae o a hlakantšhe le motswako.
3. Tšhela swikiri, lebese, oli le vanilaesense.
4. Hlakantšha go fihlela di e ba boleta.
5. Tšhela dipaneng tše tloditšwego makhura.
6. Paka nako ya go lekana metsoto ye 15 ka phišo ya 180°C .


Resipi ya aesing

(ya dikuku tše 24)

- $1\frac{1}{2}$ komiki ya swikiri ya aesing
- 3 malepola a meetse

Kanegelo-3I

Toropo ya gešu



KANEGELO 31: Toropo ya gešu

Modumo: **oo**

Modumo: **tšhw**

Dinoko: **tšhwe, tšhwa**

Mantšu a go tšwa kanegelong
a go ba le **oo**:

**yoo, moo, bookelo,
bookelong**

Mantšu a mangwe a go ba
le **oo**:

- I. **poo**
2. **mooki**
3. **boomo**
4. **phoofolo**
5. **mootledi**
6. **mootlwa**

Mantšu a go tšwa kanegelong
a go ba le **tšhw**:


tšhwaana

Mantšu a mangwe a go ba
le **tšhw**:

- I. **tšhwene**

Lentšu la go balwa ka go lemogwa:


ampolense



Dumelang! Leina la ka ke Paledi. Ke tlo le supetša toropo ya gešu. Ke rata baeng!

Se ke sekolo sa rena. Ke bala kereiti 2. Ke rata sekolo.

Morutišigadi wa rena o re ruta go bala le go ngwala. O bohlale, o lokile ebile o na le bopelotelele.



Ye ke kereke ya
rena. Nna le ba
lapa lešu re rapela
gona.

Re a neela ka
kerekeng ge
go kgonagala.

Moruti o a re
rerela a be a re
rapelele. Ke
moetapele wa
sehlopha sa
baopedi ba kereke.
Ebile ke moetapele
wa setšhaba.



Se ke seteišene sa maphodisa.

Maphodisa ba re šireletša le go bona gore re bolokegile.
Ba re thuša ka nako tša tšhoganetšo.

Ke rata go namela koloi ya bona ya lebelo, ya go ba le molodi wa temošo!





Mo ke ga
borasetima mollo.

Ke rata koloi ya
bona ye kgolo e
khubedu! E na le
leri ye telele le
meetse a go tima
mollo.

Boraditima mollo ba
bogale. Ba tloša
batho meagong ye
e tukago mollo.






Mo ke bookelong.
Yela ke ampolense.
E phološa maphelo
a balwetši le
bagobadi ka go ba
tliša bookelong.


Baoki ba thuša
dingaka go re
hlahloba le go re
alafa. Ba re fa
dihlare le go re
hlaba tšhwaana.
Yo! Ke tšhaba
go bona nalete!





Bona bokgobapuku.
Ke lefelo le le
homotšego, la khutšo
mo re balelago
gona.

Rabokgobapuku o
re fa maele mabapi
le dipuku tše bose.
O re hlohleletša go
godisha tsebo. O re
adima dipuku gore
re ye go di bala
magaeng a gaborenna.







O reng? Yoo, ke nako
ya gore le sepele?
Ke na le leano –
ga re fane diaterese.
O bona poso?
Ke tlo romela
mangwalo a gago
gona moo. A gago
raposo o tlo a tliša
ka gešu.

Mohlomongwe le nna
nka etela toropo ya
geno ka lengwe la
matšatši!

Mošomo

Ke mang yo a šomago mo? Nyalanya lefelo le motho ka nepagalo.



Kanegelo-32

Afrika Borwa ya rena



KANEKOLO 32: Afrika Borwa ya rena

Modumo: **nt**

Modumo: **tsh**

Dinoko: **nto**, **nta**, **nte**,
nti, **ntu**

Dinoko: **tshi**, **tsho**, **tshu**,
tsha, **tshe**

Mantšu a go tšwa
kanegelong a go ba le **nt**:
moporesidente,
ranta, **diranta**,
sente, **disente**

Mantšu a mangwe a go ba
le **nt**:

1. **ntetela**
2. **tente**
3. **lenti**
4. **penta**
5. **sentara**
6. **kuranta**

Mantšu a go tšwa
kanegelong a go ba le **tsh**:
tshela, **tshepe**,
tshunyaleraga

Mantšu a mangwe a go ba
le **tsh**:

1. **tshipi**
2. **tshepa**
3. **tshuma**
4. **tshehla**
5. **tshephiša**
6. **letsha**

Mantšu a go balwa ka go lemogwa:

Afrika Borwa, **mpsha**, **nkwe**, **mpše**,
diphenkwini

Afrika Borwa e mpsha e thomile ka 1994.

Ra amogela moporesitente Nelson Rolihlahla Mandela. Ra ba le koša ye mpsha ya setšhaba. Ra ba le folaga ye mpsha ya mebala ye tshela.



Madiba



folaga ya bosetšhaba



moeno wa naga

koša ya bosetšhaba

Nkosi sikelel' iAfrika

Nkosi sikelel' iAfrika
Maluphakanyisw' uphondo lwayo,
Yizwa imithandazo yethu,
Nkosi sikelela, thina lusapho lwayo.

Morena boloka setjhaba sa heso,
O fedise dintwa le matshwenyeho,
O se boloke, O se boloke setjhaba
sa heso,
Setjhaba sa South Afrika – South Afrika.

Uit die blou van onse hemel,
Uit die diepte van ons see,
Oor ons ewige gebergtes,
Waar die kranse antwoord gee,

Sounds the call to come together,
And united we shall stand,
Let us live and strive for freedom,
In South Africa our land.

Tšhelete ya rena ke diranta le disente.
Re di ngwala ka tsela ye: ranta – R,
sente – c.

Tšhelete ya rena e na le moeno wa setšhaba ka pele, ka morago e na letšoba goba phoofolo ya Afrika Borwa.

Ka pele



Ka morago



Ka morago



R10 – tšhukudu

R20 – tlou

R50 – tau



R100 – nare



R200 – nkwe

Diphooftlo tše di lego
tšheleteng di humanega
dirapeng tša diphooftlo.

Re na le ye kgolokgolo (tlou),
ye teleletelele (thutlwā), ya
lebelo le legologolo (lepogo).


Phoofolo ya bosetšhaba ke
tshepe. Sehlopha sa rena sa
rakpi se tsebega ka “Springboks”.



phoofolo ya bosetšhaba:
tshepe



tlou



thutlwā



lepogo



tau



tholo



nkwe



tšhukudu



nare



kaokona

Nonyana ya bosetšhaba
ke **mogolodi**. Ke ye
telele ye botse.

Re humana mehuta ya
dinonyana tša go
fapano mo Afrika
Borwa.



nonyana ya bosetšhaba:
mogolodi



dimpšhe



phenkwini

Ka bobedi mehuta ye ya dinonyana ga
di kgone go fofa.

Re na le **diphenkwini**
tša mebala ya boso le
bošweu. Di dula pele
ga lewatle, di sesa ka
lebelo le legolo.

Hlapi ya bosetšhaba ke galejone. E humanega fela lewatleng la Afrika Borwa.


Mawatle a rena a na le dibopiwa tša go makatša. Di akaretša maruarua a magolo, dišaka tše kotsi le ditolofini tše bohlale. Go humanega gape le dihlapi tša go fapanafapana ka mebala, seemo le bogolo.



hlapi ya bosetšhaba: **galejone**



maruarua



šaka le dihlapi



tolofini



khudu ya ka meetseng
(tshungaleraga)

Letšoba la bosetšhaba ke **poroteya**. Sehlopha sa rena sa setšhaba sa kerikete se tsebagala ka leina la “*Proteas*”.



mohlare wa bosetšhaba: **moserolwane**

Afrika Borwa e na le mafelo a botse kudu.




leganata



thaba le lewatle



noka



sethokgwa



Re setšhaba sa molalatladi.
Re bolela maleme a go fapanā.
Re na le ditšo tša go fapanā.
Re ja dijo tša go fapanā.
Re na le ditumelo tša go fapanā.
Re Ma-Afrika Borwa ka moka.
Afrika Borwa ke ya rena.

Mošomo

Tlatša dikgoba mafokong ka go hlatha dika tša bosetšhaba.



mogolodi



poroteya



tshepe



galejone



diranta le disente



moserolwane



Nkosi Sikelel' iAfrika

1. Tšhelete ya rena e bitšwa _____.
2. Koša ya bosetšhaba ke _____.
3. Phoofolo ya bosetšhaba ke _____.
4. Nonyana ya bosetšhaba ke _____.
5. Hlapi ya bosetšhaba ke _____.
6. Letšoba la bosetšhaba ke _____.
7. Mohlare wa bosetšhaba ke _____.

TO PARENTS / GUARDIANS

What is this book?

This book is a collection of stories at the right level for your child's grade. The stories at the beginning of the book are easier to read than the stories at the end.

Should I be using this book at home or is it only for school?

Both – your child will read this book at school and you should read from it at home with them every day. The more children read, the better they get at reading. Help your child to look after the book and pack it back in their school bag after reading. Your child must take the book to school every day.

How should I help my child practise?

Encourage your child to read aloud from this book to you or any family member every day. They can also read the book silently on their own. Alternatively, you or another family member can read the story to them. Make reading a fun daily activity in the home. Even ten minutes of reading a day can make a big difference to your child.

Reading well takes time and practice so encourage your child to read often. Making mistakes is a normal part of reading, so encourage and praise your child and help them when they get stuck. Take an interest in what the story is about and what happens in the story. Ask your child lots of questions and encourage them to talk about what they have read. It is important that your child understands the meaning of what they are reading.

How do I know which story my child should be reading?

The teacher will usually suggest which story your child should be practising. It is important that your child is able to read most of the words in the story. If the story is too difficult, they will struggle and not enjoy reading. If they are struggling, find an easier story. The idea is to build confidence by getting them to read at the right level. It is good to get your child to re-read the same story a few times before moving on to the next story.

What if my child loses this book?

Make sure that your child's name is written clearly on the book cover. If possible, cover the book to protect it. It is important to teach children how to care for books. They should not bend the covers or pages backwards, and they should always wash their hands before handling a book. Please keep the book away from babies to avoid it getting damaged. If the book gets lost or badly damaged, please speak to the teacher so that she can see if she has any extra books. It is really important that your child takes care of their book and does not lose it.

Enjoy reading with your child!

CO MOTSWADI / MOHLOKOMEDI

Puku ye ke eng?

Puku ye ke kgoboketšo ya dikanegelo tše di lego maemong a maleba a bana ba gago. Dikanegelo tša mathomo di bonolo go bala go feta tša mafelelo.

Nka diriša puku ye ka gae goba sekolong fela?

Mafelo ka bobedi – ngwana wa gago o tlo bala puku ye sekolong gomme wena wa mmalela yona ka gae tšatši ka tšatši. Bana ba ba balago ka mehla ba tlwaela go bala. Thuša ngwana wa gago go hlokomela puku le go e swara gabotse gomme ba e be a ka mokotleng wa dipuku ka morago ga go bala. Ngwana wa gago a ye le yona sekolong tšatši ka tšatši.

Nka thuša bjang ngwanaka go itlwaela?

Hlohleletša ngwana wa gago gore a go balele goba a balele leloko la lapa tšatši ka tšatši. A ka ipalela teng. Wena goba leloko la lapa le ka mmalela kanegelo. Dira gore go bala e be selo sa go ka ipshina sa letšatši le letšatši. Le ge e ka ba metsotso ye lesome ka letšatši e ka dira phapano ngwaneng wa gago.

Go bala gabotse go tšeа nako le go ka itlwaela, ka gona hlohleletša ngwana wa gago go bala ka mehla. Gore ngwana wa gago go dira diphoso go tlwaelile, ebile ke seripa sa go ithuta, hlohleletša le go reta ngwana mo a šitwago. Bontšha kgahlego go seo ba se balago le se se diragago taodišong. Botšia dipotšio le go mo hlohleletša go bolela ka seo a se badilego. Go bohlokwa gore ngwana wa gago a kwišiše se ba se balago.

Ke tseba bjang gore ngwanaka o bala taodišo efe?

Morutiši ke yena yo a akanyago le go šišinya gore ngwana wa gago o bala le go dira tlwaela ka kanegelo efe. Go bohlokwa gore ngwana wa gago a kgone go bala mantšu a mantši. Ge kanegelo e le bothata e tlo mo swariša bothata le gona baka se ishine ka yona. Ge a hwetsa bothata ka yona o mo kgethele ye bonolo. Maikemišetšo ke go aga boitshepo gore ba kgone go bala go ya ka maemo a bona. Go bohlokwa gore ngwana bale taodišo leboeletša pele a ka fetela go ye nngwe.

Go diregang ge ngwana a timeditše puku ye?

Dira bonnete gore leina la ngwana le ngwadilwe letlakaleng la mathomo la puku. Ge go kgonega apeša puku go ka ešireletša ditšhila. Go bohlokwa go ruta bana go hlokomela dipuku. Ba se di kobe, le gona ba hlape diatla pele ba swara dipuku. Be a puku kgole le masea gore a se e senye.

Ge puku e timetše goba e sentšwe ke masea, boledišana le morutiši go bona ge go na le dipuku tša tlaleletšo. Go bohlokwa ngwana wa gago go hlokomela puku ya gagwe gore e se timele.

Ipshine ka go bala le ngwana wa gago!

